



明詩平論 二集 卷六

七古 二

閻爾梅一首  
舒忠讜一首  
萬壽祺一首  
陳子龍五首  
黎遂球一首  
李雯二首

陳名夏八首  
梁千溪一首  
姚龍之一首  
方以智一首  
吳偉業四首  
宋徵輿一首

閻爾梅

○分水龍王廟

世無鄭道元誰為水經註乃能窺源流南北分雙路南  
北各行數千里七十二泉相母子舟楫往還難易均國





家命麻生于此。大源委大關係不特眼界雄濶命官治河屬大臣夙夜匪懈事一人不然錢穀百萬艘安得勞勞乞鬼神鬼神有功亦有罪視彼河臣忠與怠圭璧既沉牛羊歿山川無恙年年在

陳名夏

○從軍行

高秋九月塞草黃，匈奴獵火照漁陽。羽書笳鼓數千里，校尉將軍出戰場。十載從軍臥鐵衣，邊城人馬同時饑。營前不識嫖姚面，夢中白骨空言歸。壯海風昨夜蔽天

起一聲直渡黃河水，老將聞之雙淚流。敢言生得見妻子，以觀古來戰城南。不願從軍類如此。住得

○贈鄭子

夏陽鄭子言可瞻，為人倜儻清且廉。遨遊長嘯終年淹，有時痛哭如羊曇。有時縱飲如陶潛，家貧絕不問米鹽。買卜成都日下簾，我且爲君陳一縑。

落韻穩立局高妙在不多

○福寧州城外卽事慰袁生

書生携我城外山，童僕舉火何其難。朴流螢入戶光自



照蟋蟀在床鳴不聞。予家既破牛馬走。世上饑寒無不  
有。何人共此患難中。與君且醉重陽酒。孔融既逝賓石  
希。丈夫熟視何所爲。悲感吞聲盡熟視二字之內素秋零落色不  
瘁。紛紛輕薄皆小兒。我欲歌聽者疑。我重泣如縷縻。以此  
嘆息無古道。千載相思在管鮑。

○固始道

擔簦亂走避矢矰。野田雉叫雙兔騰。寒風白骨橫溝塍。  
百里呼人人莫應。行子束腰食冰水。凍僵強起呼良朋。

節短  
聲哀

鐵柱引次空同先生

我家豫章城之南。昔有真人標鐵柱。鐵柱連江井不枯。  
歲歲秋風濯寒露。英華特起赤董精。鎮彼老蛟飛老樹。  
偉哉旌陽真福星。俎豆千年識其處。嶮巖毒物奔江濤。  
潛施鎖鑰誰爲勞。丹陽老嫗授劍術。仙班玉闕森森高。  
襯貼老到非  
高手不辦迎神送神相放蕪。朱旌丹旒紛飄搖。我往  
從之驚世變。寒砧不忍聞鄉縣。

○大姥山下風沙篇別方密之北行

海上悲風沙作堆。荒荒遇子顏爲開。畏人不及言兒女。



亡命何繇居草萊。髮猶上指鬚半白。但願求方煮白石。煑石不得成金難。相顧執手當歲夕。

激直短斷高  
岑李願之間

○繇新安至龍游袁雅儒所

新安天都奔海波。既行且止畏張羅。側望龍游多礪砢。中有伊人嘯且歌。相逢握手家不顧。拜母而去逃山阿。

義俠行徑當于古人中求之。○許多情況只以六句寫出章法高古

○鬪雞行

玉署雞栖在屋秋。陰的歷啼聲高。呼雛啄食長安粟。愧

我不如紀消子。隣雞牽引爭馳觸。春秋季氏芥雞羽。郈子金距橫鬪心。采桑女子兩國隙。亦如鬪雞嗔怒深。吁嗟雞乎具五德。玄冠丹采朝陽色。胡不聳身比鳳鳴。區區戰勝非鵬息。薄暮牛羊自下來。雞胡酣戰吟蒼苔。各令解去平怨毒。東方紫陌晨光催。

舒忠讜

○吳女彩鸞寫韻軒

蓬萊婉姸有真訣。傳女千年男不屑。虎齒碧字蜜香傳。上元夫人夜深說。吳家女愛六銖衣。細抄金鈞悟天機。



瓊思瑤想秘不得。猶向人間賣字歸。纖腰素肘豈几黛。  
堪鬪少年姑狡獪。騎虎雲飄五暈裙。月姊星妃傳十賚。  
蔣侯三妹夢青溪。未有新詞寫綠綈。區區韋翁紅粧枕。  
何足爲郎重品題。

梁于涖

○報國寺松

繞殿古松十三株。有二痠癭中人軀。綠影到地苔蘚及。  
倩多朱柱爲攙扶。如兩禿頂西來胡。胡旋舞進金鉢盂。  
如兩毒龍降伏久。頭角則俯揚其鬚。摩挲摩挲不忍去。

短松短松誰能圖。

萬壽祺

○隴頭

守堡材官不敢射殺賊。恐來報仇在深夕。層冰峨峨天  
風寒。羌漢兩家俱不出。布沙隴頭出入道。無人敢走沙  
中艸。笑爾羌兒入漢探事計不密。襪線在底沙印直。調聲

入古又是  
張王變體

姚龍之

○東家



東家少年不受樂貧願逐戎旃輕苦辛手持一紙司馬  
檄行作留都壓隊人路逢長老問消息答云軍伍麤曾  
識留都舊有坐營兵大半團操皆顧直月廩虛支入哨  
官哨官騎馬猶無鞍一哨劣能三百卒妻兒終歲愁盤  
餐况復軍司近機巧更代時時恣紛擾袖裡無金豈授  
旗懷中有謁堪謀飽憑君自誇捷如猱軍司不用旋風  
刀憑君自誇猛如虎軍司不用琵琶股不見淮沂勦賊  
兵一戰半爲原畔土少年落淚不得前還把犁鋤耕瘦  
田

淺而暢正合  
張王風格

陳子龍

射蛟歌

武皇南狩浮滄陽樓船雜沓雲錦張圖形鏗錯水獸翔  
欲驚波浪開龍堂昆明甲士鼙鼓揚玄戈青幟何輝煌  
刺舷蕩槳黃頭郎虎毛犀甲文錦裝乘流直下浩茫茫  
風雲夜澹簫管涼深潭極浦鬼物藏騎魚江妾拖紅裳  
鈞蛇駢馬紛騰驤中有妖蛟白頸長腥風十丈赤日黃  
蜿蜒噴沫首尾昂飲飛壯士拔魚腸欲擲不擲心徬徨



天子神靈不可當。烏號夏服穿中央。雲奔波沸鱗甲剝。  
口吹毒霧昏橫塘。漂血亂梗身體僵。鈎牽屠割三車箱。  
宰夫五味調芬芳。侍臣大酺共舉觴。不數神禹龍在旁。  
何況魚眼推秦皇。元封五年漢道昌。手獲異物神所將。  
天符地寶趨盛王。南有馴雉西白狼。

○○東臯草堂歌

東臯草堂者給諫瞿稼軒先生別墅也丙子冬  
奸民奉權貴意訐錢少宗伯及先生下獄賴  
上明聖越數月而事得大白我友吳駿公太史  
作東臯草堂歌以記之時予方廬居駿公以前  
歌見寄因爲屬和辭雖  
不工而悲喜之情均矣

虞山巖水飛不息。虞山先生高臥日。黃門從此亦拂衣。  
東臯平田二頃微。翳然林木草堂靜。單衣白帽娛金徽。  
高談王霸神清竦。江風獵獵黃雲動。當時有口每借人。  
公業傾家非自奉。應是清流同調多。豈關失職交相重。  
語有分寸  
初非回護江湖何與中書堂。當門厭爾多芬芳。田蚡久  
欲更廷辯。朱並居然來上章。使事  
必切十年放逐念京雒。可  
憐入國雙銀鑄。豈惟松桂無顏色。長安城中煙霧塞。金  
吾吏向闔門歸。告密人從丞相揖。說來一  
一如睹但令深文一  
獄成。何難鈎黨千家及。君王神聖揮太阿。此曹深計空



蹉跎左掖門邊十步地。那如一往如流波。舊疾雖痊留  
不得。七月秋風下潞河道。旁小兒戟手罵。掩耳莫聽吳  
人歌。大街陳屍誰氏子。相公殺汝可奈何。嗚呼男兒全  
身良不易。自稱騎虎終難事。可惜數載黃扉人。未識千  
秋青史字。何如草堂突兀山之陽。七檜偃蹇雲蒼茫。飛  
觴樂聖凌滄浪。吾聞檻車開一匡。胥靡霖雨興殷商。生  
平報國殊未央。草堂何得常徜徉。

○蜀山行

君不見蜀山巖巖侵青天。懸崖棧閣相綿連。猿鳥欲度

心茫然。下有江水出沒鳴潺湲。陽平將吏皆晏眠。烟塵  
慘澹通秦川。褒斜駱谷如風旋。此等豈有五丁力。攀林  
越澗無中堅。但傳長吏棄印綬。更聞大將亡旗旃。西南  
誰人司鎖鑰。坐擁雄兵守劍閣。賊師已渡枕席上。翻遣  
材官救城郭。從來如此嗚呼益州本沃野。中有錦官城。  
樓臺十萬春鳴箏。美人濯錦江水明。三月三日渠口平。  
千里秔稻萬寶成。卽今岷峨氣蕭索。豺狼塞路無人耕。  
瞿塘東閩山北。其中富貴華陽國。前有子陽後李特。可  
憐此輩皆庸奴。誰人爲抽金僕姑。掃清井絡民賜租。勤



銘絕巖消雄圖。

○咏嚴先生釣臺

真人親破昆陽壘。二十八宿平天紀。濯龍冠蓋盛如雲。  
一星自落滄江水。青齊大澤春茫茫。東都使者何輝煌。  
入君之宮登君床。但可相從故人飲。安能刺足天子旁。  
羊裘不肯脫。長歌出漢關。手攜梅家女。築室桐君山。輕  
緡欲抽五色繭。長竿擬琢青琅玕。富春崔巍連碧落。繡  
碧蒼崖倚山閣。松陰寂寂寒女蘿。乳竇涓涓芳杜若。石  
潭時出金鯉魚。祠下橫飛雙白鶴。行人往往奠椒醑。越

巫如花舞簾幕。君不見洛陽雲臺高插天。鄧馮耿寇俱  
寒烟。

○大梁行

悠悠芳草地。漠漠暮雲平。秋風千里道。遙望大梁城。大  
梁豪華古無比。請說先從信陵始。如姬臥內新竊符。晉  
鄙軍前初散士。十萬雄兵金作羈。三千賓客珠爲履。豈  
止邯鄲賴解圍。嘗令函谷無堅壘。歸來甲第起歌鐘。舞  
袖繽紛照夜紅。艷艷雙娥低白日。沉沉醇酒對春風。歡  
娛未終河漢沒。叢桂芳蘭幾回歇。朱邸亭臺鬱若雲。青



樓羅綺嬌如月。北里佳人錦罽靴。西園公子珊瑚玦。金  
梁橋上月初明。汴水堤邊柳下行。羯鼓聲高珠勒轉。箜  
篋彈罷玉輪迎。回鶻兩行番地樂。梨園三部內家名。工麗  
桑田倏忽無人見。百年冠蓋如飛電。壁上旌旗掣曉霞。  
地中鼓角搖芳甸。鸛雀還棲翔鳳樓。魚龍盡入飛雲殿。  
屠市曾無朱亥奇。夷門只有侯嬴賤。繁臺南去接平臺。  
一望蒼茫殺氣開。惟有賈生梁客慟。還應宋玉楚臣哀。  
臥子七古直兼高岑李頎之風軌視長安  
帝京更進一格寧止上掩北地濟南而已  
方以智

○田稼荒

田稼荒。農夫亡。老幼走者。死道傍。走入他鄉亦餓死。朝  
廷加派猶不止。壯者晝伏夜行歸。歸看雞犬人家非。賊  
去尚餘一茅屋。官軍又來燒不足。

黎遂球

○題禺峽金芝巖

刪末一段

日月天之眼。肺乃在地下。孔竅爲巖洞。其氣相宣瀉。出  
雲如車輪。吞雲又變化。此句奇我聞茲巖一何奇。曾結靈  
氣成金芝。譬如才人作文想。脾思盤鬱合繭絲。與子從



遊天地腹腹中非骨復非肉。定是巨靈掌上來。紆咽一團玲瓏玉。共云隙光能見天。肺可通眼筋相連。此處輕清不容濁。往來須是煉形仙。

幽思幻景不從人間來

吳偉業

○悲滕城

道出滕城滕大夫來言曰滕以七月三日夜大水殺人懷城郭廬舍吳子作悲滕城行

悲滕城。滕人牧羊川之濱。雨工矯步趨其羣。河魚人上從風雲。去山一尺雷殷殷。寺前鐵鐸多凶聲。日暮雞犬

慘不鳴。城門掌事報二更。鬼馬踏霧東南行。鼓音隆隆非甲兵。吁嗟龍伯何不仁。大水蕩蕩滔吾民。城中竿瑟不復陳。縞帶之價高錦純。路骨藉藉無主名。葬者歿生俱未明。悲滕城。滕城訛言晝夜驚。百尺危巖浮車輪。海民投網獲釜鎗。巫兒赤章賽水神。溝人匠氏修防門。○贈范司馬質公偕錢職方大鶴

國家司馬推南中。直節不撓三原公。當時江東尚無事。憂國惟聞劄子至。一月不見王公書。百僚爭問江南使。手裁倚毗前有三原今吳橋。范公赤烏來東郊。太尉五百年如見。



兵分二閫。司戎三士。領諸曹殿中。錢郎最年少。輕裘長  
鉞。秦淮道。朝服常薰。女史香。從戎好側。參軍帽。兩人置  
酒。登新亭。惆悵中原未釋兵。盡道石城開北府。何如漢  
水任南征。錢郎意氣酣杯酒。不憂賊來憂賊走。鼓吹先  
移幕府山。戈船早斷濡須口。罷官爲忤平津侯。壯心空  
繫月氏頭。八公草木軍容在。六代烟霞詩卷收。是時羽  
書正芻午。尚書鐵鉞防江楚。早歲曾提宣武軍。舊人自  
效龍驤伍。麾下爭看金僕姑。帳前直立銀刀都。諮謀雖  
少周公瑾。跳盪猶有蕭摩訶。尚書當念安危計。感時又  
忤鸞臺議。三公劍履且辭歸。九河烽火家何處。千人曾  
役羽林軍。短犢還過司馬門。鄉夢自依宣德里。郊居且  
卜石塘村落。日簾帷呼碧玉琵琶。莫唱歸飛曲。丈夫四  
海猶比隣。何必思家數車轂。醉後悲歌涕淚橫。北風吹  
雨入江聲。白蘋騁望思公子。黃菊登高憶故人。錢郎拏  
舟再相見。芙蓉堂下開懽讌。去日將軍解佩刀。重來歌  
妓低團扇。仍道朝廷思令公。璽書旦夕下山東。過江願  
請三千騎。奪取單于不受封。

藻艷芬芳。別具秀骨。所謂詩  
人之賦麗。以則者。駿公當之。



○雒陽行

詔書早洗雒陽塵。叔父如王有幾人。先帝玉符分愛子。  
西京銅狄泣王孫。白頭宮監鋤荆棘。曾在華清內承直。  
遭亂城頭烏夜啼。四十年來事堪憶。神皇倚瑟楚歌時。  
百子池邊嫋柳絲。早見鴻飛四海翼。可憐花發萬年枝。  
銅扉未啓牽衣諫。銀箭初殘淚如霰。幾年不省公車章。  
後來數罷昭陽宴。骨肉終全異母恩。功名徒付上書人。  
貴疆無取諸侯相。調護何關老大臣。萬歲千秋相訣絕。  
青雀投懷玉魚別。昭丘煙草自蒼茫。湯殿香泉暗鳴咽。

析圭分土上東門。寶轂雕輪九陌塵。驪山西去辭溫室。  
渭水東流別任城。少室峰頭寫桐漆。靈光殿就張琴瑟。  
願王保此黃髮期。誰料遭逢黑山賊。嗟乎龍種誠足憐。  
母愛子抱非徒然。江夏漫裁修栢賦。東阿徒咏荳萁篇。  
我朝家法踰前制。兩宮父子無遺議。廷論由來責佞夫。  
國恩自是優如意。引用必精切萬家湯沐啓周京。千騎旌旗  
給羽林。總爲先朝憐白象。豈知今日誤黃巾。鄒枚客館  
傷狐兔。燕趙歌樓散煙霧。茂陵西築望思臺。月落青楓  
不知路。今皇興念總惟哀。流涕黃封手自裁。殿內遂停



三部伎宮中爲設八關齋束薪流水王人戍太牢加璧  
通侯祭帝子魂歸南浦雲王妃淚灑東平樹北風吹雨  
故宮寒重見新王受詔還唯有千尋舊松栝照人落落  
古嵩山。

○○永和宮詞

揚州明月杜陵花夾道香塵迎麗華舊宅江都飛燕井  
新侯關內武安家雅步纖腰初召入鈿合金釵定情夕  
豐容盛鬢固無雙蹴踞彈碁復第一上林花鳥寫生綃  
禁本鍾王點素毫楊柳風微春試馬梧桐露冷暮吹簫

君王宵旰無歡思宮門夜半傳封事玉几金床少晏眠  
陳娥衛艷誰頻侍貴妃明慧獨承恩宜笑宜愁慰至尊  
皓齒不呈微索問蛾眉欲感又溫存本朝家法修恭儉  
房帷久絕珍奇獻敕使惟追陽羨茶內人數減昭陽膳  
維揚服製擅江南小閣薰爐沉水烟私買瓊花新樣錦  
自修水遞進黃柑中宮謂得君王旨溫成不妬肩隨齒  
平日艱難護大家比來歡笑同良姊奉使龍樓賈佩蘭  
往還偶失兩宮權雖云樊嫫能辭令欲得昭儀喜怒難  
緣綈小字書方寸瓊函自署克華進請罪長教聖主憐



含詞欲得君王慍。君王內顧惜傾城。故劍還存敵體恩。  
手詔玉人蒙詰問。自來階下拭啼痕。

之正才人  
束手處

外家官拜金吾尉。平生遊俠多輕利。縛客因

情事委折如連瑣  
能以麗筆雅詞描

催博進錢。當筵便殺彈箏妓。班姬才調左姬賢。霍氏驕  
奢竇氏專。涕泣惟聞椒殿詔。笑談豪奪灞陵田。有司奏  
削將軍俸。貴人冷落宮車夢。永巷傳聞去玩花。景和門  
裏誰陪從。天顏不憚侍人愁。后促黃門召共游。初勸官  
家伴。不應玉車早到殿西頭。兩王最小牽衣戲。長者讀  
書少者弟。聞道羣臣譽定陶。獨將多病憐如意。豈有神

君語帳中漫云王母降離宮。巫陽莫救蒼舒恨。金鎖雕  
殘玉筯紅。從此君王慘不樂。叢臺置酒風蕭索。已報河  
南失數州。况經少子傷零落。貴妃瘦損坐匡床。慵髻啼  
眉掩洞房。荳蔻湯溫冰簟冷。荔支漿熱玉魚涼。病不禁  
秋淚沾臆。裴回自絕君王膝。苔沒長門有夢歸。花飛寒  
食應相憶。玉匣珠襦啓便房。薤歌無異葬同昌。君王欲  
製哀蟬賦。誅筆詞臣有謝莊。頭白宮娥暗嘆感。庸知朝  
露非爲福。宮艸明年戰血腥。當時莫向西陵哭。窮泉相  
見痛倉黃。還向官家問永王。幸免玉環逢喪亂。不須銅



雀怨興亡自古豪華如轉轂武安若在憂家族愛子雖  
添北渚愁外家已葬驪山足讀至此令人悲歌慷慨夜雨椒房陰  
火青杜鵑啼血濯龍門漢家伏后知同恨止少當年董  
貴人碧殿淒涼新木拱行人尚識昭儀冢麥飯冬青問  
茂陵斜陽蔓草埋殘壠昭丘松檟北風哀南內春深擁  
夜來莫奏霓裳天寶曲景陽宮井落秋槐

唐人宮掖長篇惟連昌長恨津陽門杜秋娘四作最勝六百年後方見此詩耳

李 雯

○贈陸子敏舉吏部

壯年落魄無行伍再入長安負黃土有眼日見尋常人  
最爲悶事幸逢陸生洞心腑陸生磊落文武材赤車應詔從

東來博徒劔客相奔問虬髯玉面臨風埃公卿斷斷竟  
不得挺懷直作金臺客龍驤虎步覽八荒買臣主父皆  
辟易男兒致身自有時四十專城亦不遲天下十年苦  
盜賊賢良一日傾京師况君神理更無對脫穎囊中見  
鋒利當令草澤識張綱乃使朝廷重龔遂長劍倚天星  
列陳羣龍一下四海春勸君爲掃麒麟閣余亦江南徒  
步人



○隋堤行題廣陵鄭超宗園亭

君不見隋家宮殿臨江汜，柳色千門照江水。春草宮中  
瑟瑟多，鬪雞臺下香風起。輦道凝笳翠袖迴，紅妝映日  
垂楊裏。誰言此地屬繁華，鳳舸龍帆卷暮霞。當年蓮唱  
沉江月，千歲春風吹柳花。隋家楊柳君不見，別有青青  
照人面。小開池館近迷樓，復植江花隣月觀。月觀迷樓  
安在哉，請君薄暮臨高臺。蕪城畫角猶平舫，邗水清歌  
共落梅。嘗在江南望江北，欲問觀濤廣陵客。幾度思登  
楊子橋，參差未識江都宅。聞君早晚賦閒居，徂暑迎春

奉板輿百尺高樓官柳岸。月明更釣海陵魚。

正調秀麗是七古能  
事韓君平之流亞

宋徵輿

○贈張燕客

我來勾踐國，結交張公子。華燈夜相迎，痛飲從此始。三  
人羅袖紅，一尺虬髯紫。紫髯飄飄拂予肩，自言疇昔稱  
少年。西走咸陽北走燕，終南太行相接連。此鄉索寞少  
奇士，風沙萬里心茫然。以茲感歎歸故鄉，黃河千尺流  
湯湯。河堤蓄水出平地，決之可以沉大梁。黃龍青雀未



可測果然今日成懷襄。酒酣對伎重岸曠。重道當年解  
音律。琵琶絃索誰第一。武宗供奉查八十。萬曆季年范  
昆白。雷轟鐵撥今有誰。練川陸曜稱傑出。聞君此論多  
嶽崎。河轉星稀未忍歸。歸來落月屋梁西。臥龍山上烏  
亂啼。

跌宕  
感慨

○汴梁行

汴梁城北多白楊。蕭蕭百尺高。女墻黃河水沒白楊樹。  
濁波惡浪嵩山陽。汴梁守臣三嘆息。高頭大舸迎周王。

狐裘蒙茸走河北。漸裳之水何湯湯。汴梁守臣歸故城。  
黃沙平堞無人聲。樓臺十萬宅魚鼈。荇藻飄拂將軍營。  
旌竿流離刁斗絕。空城烏雀喧鬪爭。嗟乎空城賊亦去。  
河水滔滔自奔注。詔書重治梁王宮。官軍未啓夷門路。  
流尸不辨賊與民。白骨如山自撐拄。安得息壤生豫州。  
啞此洪波宅黎庶。

卷六 終



明詩平論 二集 卷七

七古 三

于奕正 一首

余充美 一首

范文光 一首

顧外 一首

沈顯 二首

徐波 五首

卜遠 一首

陳宗之 一首

釋自肩 一首

劉錫名 一首

于奕正

錢秉鐙 一首

劉道貞 一首

釋實訥 一首

韓曾駒 一首

周永年 二首

胡梅 二首

項煜 三首

林雲鳳 一首

許元功 一首

葉襄 一首

○西山春雪歌



山寒勒花花未萌，雪花片片先花生。遠山遙連近山白，老松著雪亦蕭槭。溪邊新草未及寸，不受雪欺綠偏嫩。幾客踏雪觸石鳴，山僧始覺有人行。半開籬門呼客入，泉流竈下不須汲。煮泉餉客冰雪香，四山映人衣袂光。

空香欲流素光自照不著一毫粉澤

錢乘鎿

漕卒行

西風天黃日欲晡，江船不行住蕪湖。一聲驚傳避漕艘，篙師邪許千檣俱。移船北岸望南岸，遙聞南岸人叫呼。

錦襖氈裘直上船，攫奪衣裙送酒壚。獨有官兵船不開，

持刀伐斫纜聲如雷，何者官兵前與鬪。血肉糊模無誰

敢救。統統統詩註音耽上聲縣瑱繩也。又統如打五鼓擊鼓聲也。用此處未合不如易公然二字。

縛去置桅前，勒要平都尉米與錢。朝廷官兵且如此，何

况沿江估客船。

余充美

觀法帖歌

名家法書真可娛，閱罷置酒春日晡。借問法書何所有，南禺之豐赤水屠。今之思白十餘紙，變化不一皆瓊珠。



就中最古有何帙子瞻手跋伯時圖見此茫茫有深悟  
定爲真跡非狂諛魯公又出思白擬真厚絕與常觀殊  
酒間橫議出吾黨問實肯使先賢誣魯公子瞻是一手  
莊嚴曠誕分皮膚豐屠有才自不掩天矯映發斯其徒  
偉哉造物不多有間世挺出開虛無其他軒軒有名字  
筆有媚氣良非夫主人不惜夜深勸痛飲不覺張虬鬚  
天乎何爲生此輩嘆得無端自別空令紙墨常高驅

劉道貞

○送門人徐無竒北征

十年相與成連子漠漠神機在絃指子春原不解移人  
似謙似諷妙趣可會山水自然生靜理水仙譜就幻秋思試向雲  
門一奏之萬舞欲闌鷓鷯下君看何似刺船時住有餘味

范文光

○飲馬窟

健兒飲馬學馬飲槽頭汲酒如汲井酣歌解鞍高作枕

三句成歌雄邁絕倫有  
研旬洶湧之勢 心甫

釋實訥

○崇明沙上



未夕露已生。無雨地嘗潤。風濤振沙沙不定。禾黍登場  
海始鹹。家家燈火防潮信。

質而  
健潔

顧 垓

○喜休復歸住雲居兼呈明復

穉松上下山矯矯。(曲壘層城皆)末劫老秀好。廿年前此

松剗

嘗哭松。哭松補松。松作龍。而今不墮。哭松淚。欲枕松間

石高睡。石蘿裊裊。山夢蒼。可以閉戶無翱翔。有山不用

買雲闢。日讀西方書一尺。夜龕火映北山帷。鶴在兩僧

光裏飛。靈燭  
幽妙

韓曾駒

○精衛操

海水没人如沒石。激浪射天衆星白。魂怒寃沉挾羽衣。

日啣石骨東南飛。西山石頑褪五色。女媧欲鍊老無力。

我補東南爾西北。龍子鮫人眠不得。

沈 顥

○題倣畫贈仲飛

病境得閒筆入之。下筆若迅出意遲。老柯葉秃競石勢。



寒不在外霜微吹精神寂寞子則知子有苦吟吾所私  
持此示世世必疑吾姑托之麤者倪幽傲  
自賞

○默孫口授松花丹訣喜而作歌

老骨膠塵塵似漆縱有羽毛飛不得終南真人昨寄書  
云擲經伸事胎息服食服氣然不然君但不言示以天  
手畫易卦護壇側溫火密吹留後先等閒暗點黃金雪  
別有機前非爾傳

周永年

○主客行

下箸萬錢食無魚輿前八騶出無車妝樓十二夜交直  
獨我有身尚無家主人自樂客自苦強使登筵見歌舞  
停觴看斬行酒姬裸却全身前擊鼓豪家謹伺客喜嗔  
不是盡皆無禮數君不見美人笑蹙盤中死執轡袖椎  
大梁市

○瑞光寺塔燈歌

雲端已暝忽復曙燈燭直如妙高聚舍利光常貫太虛  
只今收攝隨心住上界高明受衆朝頗似綠  
章中語中宵虛白  
開天路佛聲浩浩若潮生人如磨蟻香如霧燈燈涉入



夜夜明何身早向光中度。傳言影落鮎魚口。佛燈漁火相先後。魚目常開魚網沉。飲光啖影爭遊走。喜滅魚家黑業多。旁生所貴非長壽。語本西教安得華嚴與上方。千燈四照搖星斗。却令蟹舍及魚城。惆悵朝朝空發筍。

與元歎作  
一時勅敵

### 徐波

○和伯敬詠閨人畫蘭停筆

畫蘭妙理昔聞諸。筆所未至更有餘。分明腕中不即應。深○心○往○往○行○其○虛○美○人○纖○指○削○寒○玉○擬○寫○青○青○神○未○續

徐將粉墨養吾情。豈有花葉娛君目。露泣烟迷當可思。沉○吟○苔○石○與○盆○池○請○看○淺○立○經○營○處○不○似○夫○君○在○側○時。他人畫後論鮮妍。此時此意須君傳。心眼之間具蘭譜。非畫尋常草木天。素質已盡筆墨在。素質遙遙不相待。

結二語  
欠豁

○沈雨若見示徐文長畫雜花卷

徐生畫花備四時。惟須佳墨與胭脂。用墨亦在花葉外。墨所不及具花態。寒幹疎梅開遠天。敗荷枯荻淡多烟。高情豈必求形似。蜜蜂蝴蝶生其間。俠烈詼諧無不露。



令人喜亦令人怒。一草一木無常形，筆端成物如風雨。醉眼迷離燭影闌，風日佳時更借看。

○六月十八與陳古白呂子傳集顧青霞新構水亭觀粉壁畫松累石爲地畫松其上

水觸牆根爲日久，新亭面此開軒牖。不能更問置亭時，有亭有水可無疑。已忘熱客披衣苦，便覺涼天列坐宜。壁間水氣堪嫵媚，松石無端思坐致。雙柯脫手助清寒，更令詞客歌其事。歌殘月出臥縱橫，恍聽螺溪嶺上聲。謂松能風余非佞，孰物有形無性命。主人累石畫者機。

畫者含毫聽指揮，松不癡肥石不瘦。松耶石耶同時有。

○○串月

吳中數十年來盛傳楞伽山八月十八夜串月，余年三十七矣，未嘗一見。儕輩商度，或云從寶帶橋外出，數有七十二。此橫說也。或云葑關外極饒溪港，是夜月出其方，光影相傳，望如塔燈。此豎說也。然亦意如阿闍佛國，裁一現耳。今歲丙子秋，宇澄霽，適李長蘅周安期輩蓄意而往。少憩紫薇村黃君兆家，薄暮登山，月出較遲，列坐靈官殿庭，遠水縱橫，昏昏莫辨，更餘孤鬼漸升，從溪港一一現形，分身無數，始大異之。二更後，益奇，總之所爲玉塔者，近是向之橫豎俱不足言。遊人匆遽而返，亦未盡其變也。別後各紀一詩，余實首唱。

山亭露坐天如幕，待月不出資。諸龍輕風似欲掃浮雲。



將以所見證所聞。纖微吞吐誠非易。光影飛沉無定位。  
真月猶未現。全身先見第三。與第二一溪一月非無因。  
于月不知誰疎親。孤鬼暫離烟霧窟。衆壑寫盡瑠璃輪。  
金波激射難可擬。玉塔倒懸聊近似。塔顛一月獨分明。  
千百化身從此止。忽墮雲中不可呼。餘光散入澹臺湖。  
燭灰神醉廟門閉。露冷林昏人盡去。年年此夜幸相思。  
月出未嘗離此處。

○○瑞光寺舍利塔燈詩

層燈簇簇依空住。月垂虛白爲之地。一光不獨攝人天。

皆仰亦能兼異類。吾儕先事集禪關。洗滌塵襟待夜闌。  
僧徒營辦無聲息。出門已見燈如山。塔心寶匣相纏裹。  
八萬四千分一顆。釋迦舍利彌陀名。唱佛聲中見無我。  
尋常孤塔隱浮烟。夜清燈影到湖船。游魚自食波中影。  
不共漁人更作緣。網罟空時君始悟。應與游魚均得度。  
凡燃燈之明日太湖網捕皆無所獲漁人見燈遙相詬詈湖與塔相去三十里

胡梅

○道開硯山歌

開公硯山面面好。捧玩常攢十指爪。枝峰蔓壑豈在高。



仙的神囂不厭小。點經閣筆飛赤霞。雲竇空濛圓若棗。  
須彌若納芥子中。此應縮小蓬萊島。倘能時袖過茅齋。  
一度摩挲一娛老。

○寶月堂歌

堂之前窗鑿七十二圓  
牖擬月輪之分身者

我登寶月堂最遲。有月絕勝張燈時。大月上走開寶戶。  
滿堂小月隨之移。小月一一入我手。七十二片圓玻瓈。  
薔薇漏影疑桂樹。似有兔眼中。迷離雖余酒量十分窄。  
飲盡月數亦不辭。寶光磨盪透枕席。歌成堂外啼黃鸝。

堂制奇詩特  
清勁無俗暈

卜  
遠

○鄧彰甫細書歌

人謂鄧君書法細。必曰蠅頭與蚊臂。又云芥子及微塵。  
眉髮尖頭劈爲二。卽以等物作筆毫。未必如君筆畫細。  
之至。以筆作字。細于筆。斯理令人難解意。乃知手腕別。  
有神。筆墨之先更有秘。聞君粒麻書數行。聞君寸楮千。  
行記。愧我老眼如霧中。細細看之若無字。縱使少年逞。  
目力。拭目幾回逼目視。

與震甫作並極  
形容簡煩各妙



項 煜

○邯鄲才人嫁為廝養卒婦

舊題多悞作玄暉  
太白亦悞今正之

趙王北去十輩歿。謀夫如雲瞠目視。單詞挺挺同車歸。  
乃是軍前一豎子。世間智勇安可量。亭長已帝黥徒王。  
廝養之名齊日月。高官無數皆荒涼。邯鄲才人命不薄。  
似此兒郎未云惡。天下奇士非老兵。後代詞人多會錯。  
東家女兒嫁富人。一堂金翠埋黃塵。西家女兒嫁士人。  
百年蟄曰空酸辛。雙結亦適

○涿鹿行

玄女去後陰符留。五兵作時神鬼愁。殺機飛出廣成鼎。  
鳥號迸落蚩尤頭。奇拔河東解池千萬斛。洪荒以來血新  
刃。誰言此賊不英雄。武庫旗飛漢皇哭。

借刪末二十八  
字似更隄健

○趣園墨妙行

吾家阿咸世希有。愛酒嘗種秫千畝。頃來愛墨如愛酒。  
拔林種松松脂溜。取以作墨色正黝。桑林主人君房叟。  
一時對之却且走。阿咸仰天笑破口。我以自怡非傳後。  
世人得墨空相守。磨墨磨骨欲朽。此儕未許為酒友。



灌以墨汁三五斗。

酒墨夾說出入  
無痕灑脫可喜

陳宗之

○ 練絲歌

清池鳩語槐陰午，墻角石榴紅焰吐。  
鄰園破曉餉蒲芽，知是薰風日當五。  
紛紛兒女競鞦韆，錦勝毬毬絨作組。  
犁鋤未出來秋涼，官家捕蝗兼捕虎。  
朱牌火亟追風逋，租吏打門鳩叫雨。  
斗酒真珠泣小槽，鮭如龍鮓蔬如菊。  
玉波龍舸閃朱旗，闐壕繡簿停輕鶻。  
但識輕衫花滿街，都忘懸磬塵生釜。  
富兒角奢貧兒效，畫蠟毬毬對分賭。  
閨中少婦典堪頻，陌上游兒歌且舞。  
吁嗟風俗何時古，錦袍白馬渡江來。  
肯信窮閭剝肉苦。

林雲鳳

○ 題范長康舞蛟石歌

我聞太湖乃是馮夷宮，中有潛蛟變化不可窮。  
爲避菑丘，飲飛之寶劍，幻成片石，硯碎而玲瓏。  
自從輦入林庭裏，隱隱肉環猶躍起。  
將無作有  
筆端幻動巨鱗駁落苔蘚青，修髯  
掣斷藤蘿紫。陰崖蛻骨撐寒冰，古竇饑涎噴瀑水。  
蟠泥



乘霧誰能知。出雨興雲殊未已。傍聳一峰勢更尊。憑空  
弄態無晨昏。半裏斜迴似翼蔽。孤標獨舉如騰騫。美人  
垂手何堪擬。學士迴波安足論。蜿蜒却疑在江海。攫拏  
直欲排天門。若使當年遇漢武。彎弓射汝沒金飲羽。何  
異霸陵田間見伏虎。石乎石乎公莫舞。

若撫詩壇者。翁吟咏極富七古及咏物七律尤  
其勝場。茲選限以卷帙不能多入。行爲彙其全

稿間  
世耳

釋自肩

○題畫贈洞雲老衲

洞雲老人住洞久。有時出洞白雲守。白雲漸老化爲瀑。  
不如瀑邊住。一閣落落閣門夜開。月在天。瀑聲當戶攪。  
秋眠曉來曳杖過橋去。礧底流雲寒不住。

許元功

○觀僧彌畫山水

欲畫未畫筆在手。反似心胸一無有。惟空百靈欣所赴。  
稍留耳目能然否。木石豈應紙上看。墨痕點點性情安。  
想君自遇真山水。故使無端六月寒。閣邊聽徹有聲泉。  
一。面。疎。林。放。遠。天。畫君詩君骨皆如此。我之得爾原筆



先。

劉錫名

○為馮猶龍題荷鷺雙清圖

我聞賈傅泊湖月，清水荷中見二叟。相對吟詩賈揖之，化為白鷺雙飛走。奇人往往遇奇事，作圖贈君良不偶。淺淺池塘暑不侵，水花燦燦涼虛襟。翠蓋成圍魚影匿，雪客閒閒坐碧潯。不貪振集名，不受虞羅厄。偃絲游戲芙蓉側，花鳥相窺清淨同。結伴高人吟日夕，來去無心共白頭。迴思二叟成今昔。

葉襄

○端午

金閨城北薰風緩，萬戶鱗層井烟滿。笙歌燕舞急芳辰，小屋猶聞理絃管。異時海甸多承平，騶虞仁浴玉虎鳴。榴紅刺晶簾影，茉莉香分薤簟清。沙盆潭口山塘路，葆霓旌競喧渡。蛟龍劈浪搖滄溟，鼉鼓逢逢出雲霧。牙檣錦纜繞江洲，珠翠氤氳罨畫樓。幙捲乍呈金跳脫，榜隣佯整玉搔頭。十五盈盈羨嬌女，咲指隣舟共人語。傾歆燕尾欲梳風，長裾皓腕當窗舉。晚霞殘市草花忙。



嘉樹重陰陰石場。襍簇打毬垂紫袖。醉橫騎馬墮紅韁。  
涼州一曲音相續。急管繁絲調何促。俄聞瓦缶寂無聲。  
湖上山青草還綠。銀箭銅壺夜方旦。啼鳥啞啞晨星爛。  
艸頭小婦苦當鑪。倦倚中厨客不散。日炤西堂臥初起。  
又復相邀隨燕喜。朝朝暮暮翻倦游。歲歲年年只如此。  
樂往哀來事已賒。腥風黯黯吹黃沙。倡婦閣中閒寶瑟。  
吳姬馬上怨琵琶。濠水沉沉長蘆菼。綠浪紅欄紛瓦礫。  
清笳篳篥遍江津。誰弔靈均向湘汨。桂檝鳧車盡馬塵。  
虎丘松柏推爲薪。空道五絲能續命。荒原落日餘青燐。

水咽山荒天亦老。昔日龍舟偃莎草。紛紛邑里亂如麻。  
富貴榮華豈長保。閒尋舊事心茫狀。太平已往亂始煎。  
惟有菖蒲好顏色。依依垂碧臨階前。

補遺  
釋讀徹二首

讀徹

○送淳公還蜀

五尺昂藏實可憐。形容憔悴向人前。白雲咲我不歸去。  
戀戀人間何所事。草廬聞在雪溪西。拂袖胡爲不肯住。



、应為 P14



松子親栽化毒龍。摩雲蔽日生清風。松間怒石誰爲枕。  
閑却秋光一池影。不獨山靈恨別離。竹鷄梅雀心俱冷。  
願君早去急歸來。免使閒堦上綠苔。十二碧峰天際出。  
孤帆一片參天入。回頭切莫聽猿啼。恐驚鄉思衣裳濕。  
○○送友之敬亭

君讀書我拍歌。留君不住奈君何。閒者孤雲飛者鳥。我  
山我水何曾少。獨憐知己是敬亭。開門終日雙眼青。安  
得秦王驅山鞭。芙蓉一片當我前。君亦不須去。山亦不  
須挂。竹月松風對床話。  
筆蒼調逸可謂  
老氣橫九州矣

卷七終

明詩平論 二集 卷八

樂府

魏浣初二首  
方以智一首  
陳子龍四首  
郭金臺一首  
李雯一首  
劉城三首  
卜舜年二首  
馮一第四首  
周岐二首  
錢秉鐙一首

四言

陳繼儒四首  
華淑一首  
陳宗之一首  
尹伸二首  
譚元春一首  
釋弘忍一首

魏浣初



○江南憶十首

錄二

江南憶第一憶梅坡月下藤支苦茗立雪中笠帶矮驢  
馱伴個小頭陀

○又

江南憶美味憶江鮮刀鱗霜鱗婁水斲河豚雪乳福山  
船齊到試燈前

劉城

○叫天歌

彼何人斯昔介而馳殺人如疑今端冕而坐殺人如飴

一解彼何人斯昔我詈之曰賊彼殺我有克不克今跪拜

之曰官我不敢仰視彼殺我無不得二解我昔餽餉戎士

往與渠搏今直餽餉渠省我艱難雖省艱難我心則慚

三解我今餽餉渠渠憐而活我我作猶可操刀如昨膾人

肝如酪戰艦大作弓矢鏃爍硝黃日夜合天乎天乎謀

國者那四解

此言撫賊之失策也古勁可  
匹獻吉而婉暢更復過之

○招安歌

花闌小票百十紙綿綿纏纏免死字宛宛轉轉到寨壘



賊首坐見笑冷齒。有人附耳言如此。上座回嗔色作喜。  
大言爾歸報總理。吾今賣劍買牛乞恩貸死。願受冠裳。  
居城市裏。汝急歸言狀。本兵應上功。總理重賞汝。

○內教場歌

殷其雷。白日恢恢。匪雷則鳴。講武內庭。砲聲斯轟。雖有  
虎臣。帝不敢自寧。一解舞干擊劍。挽弓揚旗。遠人則不見。  
不知砲聲如此。應莫不聞而悸。胡騎至止。厥聲斯已。二解

方以智

○悲歌

廉士可以謝客俠。士可以作家。不大不小。非龍非蛇。人  
不至壁立。脫粟徒傷心。人不能殺人。誰肯遺黃金。

卽古語猛虎磨牙人遠予血麒麟  
不噬誰爲落毛之意直說愈辣

卜舜年

○善哉行

江上慘別。明明車裂。車裂尚可支。冷痛歇。此痛匪常。兩  
活。兩截。發淚走天。天雨赤血。

○合歡詩

儂爲金母。郎爲木公。反目不婚。不育萬躬。止是二人遊。



天地中。

大而不腐合歡  
詩中有此原本

陳子龍

○遼兵行

胡兒騎馬來。漢兒騎馬去。交臂黃塵中。但問汝家是何處。答云我家隔河居。汝饋羊酪。我報明珠。我饋黃金。汝報貂禴。易水南。常山下。相逢折箭進酒炙。回頭便向西

兵射

標狡  
在目

○步出夏門行

地脉隱伏。碣石隆起。東爭海波。高與天倚。烟樹在下。上覆流水。奇語  
神境神哉三山。望祭於此。朝日燿燦。旌旗萬里。大魚若陵。人立而視。幸甚至哉。歌以言志。

○韓原泣

秦兒歌。楚兒舞。高冠廣額。咸陽賈。排玉闥。登金堂。九卿側足趨道傍。一朝入左掖門。夜出左掖門。堂前衆賓客。一一乘朱軒。十日一休沐。香藥雜上尊。麒麟製君衣。裏蹄佐君殮。二得君歡。可君意。自謂百年常不棄。恩去何時回。情斷何由繫。昔如石在山。今如水在地。三上君綬。



爲布衣。怒未止。竭而歸。西市街。鼓鑿鑿。衛軍簇簇呼擺  
圍。君家舍人先橫屍。四黃紙下門已鎖。金吾將軍夜列  
火。緋衣御史來上坐。來上坐。出詔書。一尺組。莫躊躇。城  
頭搗鼓三更餘。使者復上青驪駒。何以載君廣柳車。五  
田宅盡沒官。不得名一錢。堂前衆賓客。一一歸窮邊。先  
爲人所畏。後爲人所憐。六

○題復讎行擬古樂府

黔中有壯士。父死蠻夷中。父死弟爲虜。嗟乎苦哉。是讎  
不報。誰謂我雄。一乃置黃金千金贖我弟。問我父死所。

兄持手。弟牽裾。涕泣覆地。身號獸鳴。白日慘慘。天欲雨。

二側聞官家招夷。夷來降。鼓鼙鼙。大者賜輿服。小者賜

酒鍾。蠻夷喜樂盤桓。誰知壯士鳴刀鏗。三置酒置酒。我

父歿路衢。弟幸蒙全祐。感爾不殺恩。前宰肥牛後烹吠

狗。四酒方酣。擲杯盤。壯士突出戶間。謂爾酋。抑何愚。爾

昔殺我父。我今腊爾肉。酋大股慄。欲言不得言。五大兄

斫其腹。小弟截其肩。還持讎首祭父。觀者滿路。傍喑喑

上指天。六道帥大怒。爾何殺降。兄弟爭死。罪無所當。小

弟得爲將軍。大兄走故鄉。賢哉賢哉。君不見父死門東。



子吟道傍七解

馮一第

○管仲迎甯戚

桓公出遊甯戚叩牛角而歌公使仲迎之戚曰浩浩乎白水仲不知所謂

其妻婧曰古有白水之詩曰浩浩白水儵儵者

魚君來召我我將安居此戚之欲仕也仲大悅

以報桓公遂

迎戚相齊

訪吾友兮佐吾君。因吾妻兮獲吾臣。白水浩浩問諸濱。

欲仕之心將焉詢。匪吾妻兮寧知吾友之出賓。臣得妻

兮君得臣。

○魏公子捕鵠

無忌方食一鵠辟鵠入案下鵠過乃縱鵠去鵠逐而食之公子暮不食曰

鵠辟患投我竟為鵠所食吾負之令左右捕鵠得百餘頭以進公子欲盡殺之不忍乃按劍籠

上曰誰食鵠者一鵠獨低頭不敢仰視乃取殺之放其餘

函谷高可控邯鄲危可息。不能庇一鳩。乃為鵠所食。媿

此三千士。何以逞顏色。鳩如列國雄。鵠如秦主賊。按劍

伏籠上。要令賊低默。鳩雖難再飛。**鵠亦具知議**

通首氣色軒昂何故結語蕭甚今改作鳩賊自此得

○熊宜僚弄丸

宜僚嘗以八丸空中一丸在手弄之不墜齊與楚戰宜僚于軍中弄丸一

軍皆停戰望之遂獲大勝

觀蟻鬪。識兵法。古軒轅。垂創劄。謀機權。制先筴。辟若戲。



雜僂。婦肉亂戰。氣餒竊斯術。破敵壘。迷方目。玄兼能。靜禦動。安伐危。舞兩手。勝甲騎。千百萬。誰知之。齊楚強。爭雌雄。龍豹韜。不如茲。

陰機秘密之言讀之神慄 孝章

○漆室女泣柱

漆邑女過時未嫁倚柱而泣鄰婦問故曰憂吾君老太子幼鄰婦曰此卿大夫之憂也曰不然魯國有患君臣父子被其辱婦人獨安所歸乎

大憂國小憂室豈以室故忘國之恤兒女事小社墟事大。二語不古國憂不晝室憂不夜。叶其夜難敵晝小豈勝大我實憂兮君老子幼吾將何以安坐。

以古事為樂府楊鐵崖李西厓二公其選也櫻公有代古一卷五十首足嗣其響今錄四篇見一斑矣

郭金臺

○刎頸交廉頗

鼎有耳不可刪。柳有條不可扳。兩人相得安如山。將軍有怒君氣揚。將軍無怒君心閒。私仇盡釋修歡顏。前謝君王秦閉關。

周岐

○善哉行



主父遊梁四十不遇朝奏暮召公卿咸懼。卜式輸邊得覲帝廷信知生財捷于明經。

○東平劉生歌

劉生出入在東平帶寶刀夜半人頭常在腰。短健非常

李 雯

○猛虎行

虎得猱術人樂就虎吮血而酣其目不怒。一虎含毒磨牙莽閒不得人嚙發病狂顛。

錢秉鐙

○悲歌

廉吏不官近地貪吏不死獄中朱鷺得氣神于應龍西夷囚羨里亨醢終不免有錢通鬼神雷霆車輪轉。

四言

陳繼儒

○西湖

孤艇一尺躍於中流酒在船尾花在船頭

○又

旅旅酒亭落落水亭紅衣者客白衣者僧



○夜半觀雪

夜啓巖戶。淡而無風。月直松際。雞鳴雪中。

○香雨樓

水抱環玦。樹交步障。漁釣竇中。樵吟葉上。

尹伸

○感秋

有梟市啼。其命可灸。挾彈而過。鸚鵡折翼。道有死人。丙吉爲聾。一夫失執。積屍如嵩。

○又

猛虎厭人。人席其皮。王生譚風。口無獵師。死虎一毛。復化爲虎。耳目幻惑。狐狸登俎。豈惟狐狸。麟亦可疑。

意調俱古崛

華淑

○雜詩

斲木爲車。其半爲輪。車自招搖。輪何苦辛。懷金則肥。懷才則瘠。世久如此。君胡歎息。

譚元春

○雷太史家有送子觀世音菩薩畫像一軸。其地如



西洋布而堅密。設色靈幻。菩薩手一兒。舉念珠似鸚鵡。肉情巾袂俱動。拜而頌之。

何以布之。如鑄如繡。光浮寸許。大士靈透。手其兒手。味其禽味。大士目兒。兒目鸚鵡。以目相揆。鸚鵡仰兒。頰寧兒。嘻戲。勿兒。椎魯。兒手念珠。是大士物。鸚鵡聰明。不與兒拂。以投鸚鵡。鸚鵡成佛。禪床曉坐。瓶花夕開。兒無所懼。佛無所猜。鸚鵡虎豹。可以同來。

陳宗之

○坐石公山絕頂

天乳晝驚。墮爲石碣。如犀如虎。如鳧如鷺。乘水而嬉。枻枒披裂。上有奇壁。崢嶸削鐵。洪濤秋戰。鏤空成穴。摩艇而入。醉捫龍舌。瓊堤萬尋。吞綃卷雪。幽綠凝寒。箭括中劈。攀蘿獨登。踞坐磐嶠。沙縫吐花。紺鮮可擷。穠穠萬戶。蜂衙蛛綴。曠若天外。久立骨蛻。雲鳧眇然。飛鳥影絕。

釋弘忍

○述感

鳴梟鳴梟。自食其母。母欲辟之。不得其所。鳳凰博德。許以爲臣。母之哀鳴。鳳豈不聞。有味







